

Reakcija Sabahudina Kuduzovića na tekst o smrti njegovog oca

Nije riječ o trgovini organima

Sabahudin Kuduzović, sin Sulejmana Kuduzovića uputio je našoj redakciji reakciju na tekst objavljen 13.01. pod naslovom „Gasulio sam mrtvaca kojem su uzeti organi“, a u kojem je Ibrahim Kasumović izjavio kako je gasuleći njegovog oca vidio da su mu izvađeni organi. Sabahudin Kuduzović ne nalazi da su sporani navodi Kasumovića, ali negira sumnju koju je u tekstu izrazio Alija

Feriz, predsjednik Udruženja logoraša Velika Kladuša, da je riječ o mogućoj trgovini ljudskim organima.

- Ja, moja mama, naša cijela porodica i rodbina smo ogorčeni činjenicom da nas neko na ovakav način uznemirava nakon toliko godina i ponovo podsjeća na vrijeme kada smo izgubili našeg najdražega člana porodice. Teško nam je što o navodnoj trgovini ljudskim organima našega

oca saznajemo iz ovih novina, a pri tom nikada i nikakva istraga po tom pitanju nije vođena - navodi se u reakciji.

Kuduzović tvrdi da „Dnevni avaz“ nije kontaktirao ni Ibrahima Kasumovića, što nije tačno. Naš list posjeduje tonski snimak izjave Ibrahima Kasumovića koji nam je ispričao detalje o smrti Sulejmana Kuduzovića u više navrata rekao da iza onog što je ispričao čvrsto stoji.

Ne namjeravajući da povrijedimo Vaša i osjećanja Vaše porodice, cilj nam je bio doći do istine, da li je u najkrvavijem periodu BiH, uz sva zlodjela bilo možda i onih koji se odnose na trgovinu ljudskim organima. Izražavamo žaljenje ukoliko smo Vam nenamjerno naniželi bol iznoseći činjenice o onom što se dešavalo tokom agresije na BiH.

S. DEGIRMENDŽIĆ